



Број/Број: 01/6-50-1-8-20/10

Сарајево/Сарајево, 04.02. 2010.

IZVJEŠTAJ O RADU
ZA 2009. GODINU

Сарајево, јануар 2010.

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine, Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine na 20. sjednici, održanoj 04.02. 2010. godine, usvojila je

IZVJEŠTAJ O RADU

ZA 2009. GODINU

I. UOPĆE O KOMISIJI

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđena su članom 46. Poslovnika Predstavničkog doma.

Komisija je u ovom sazivu PSBiH konstituirana na 1. sjednici, održanoj 15. 2. 2007. , izborom predsjedavajućeg (Vinko Zorić) te prvog (Milica Marković) i drugog (Sead Jamakosmanović) zamjenika predsjedavajućeg Komisije.

Na 4. sjednici, održanoj 22. 5. 2007., izvršena je promjena u rukovodstvu Komisije, kada je za prvog zamjenika predsjedavajućeg izabran novoimenovani član Komisije Jovan Todorović, umjesto Milice Marković kojoj je prestalo članstvo u Komisiji.

U 2009. godini došlo je do promjena u sastavu Komisije, tako što je, umjesto Jovana Todorovića kojem je mandat prestao zbog smrti, izabrana Vesna Šain, a trenutno je upražnjeno još jedno mjesto zbog smrti Joze Križanovića.

Ostali članovi Komisije su: Rifat Dolić, Halid Genjac, Mirjana Malić, Remzija Kadrić i Savo Erić.

II. SJEDNICE KOMISIJE

a) Razmatranje dokumenata i izvještaja

U 2009. godini Komisija je održala šest sjednica, s ukupno 29 tačaka dnevnog reda.

Komisija je u okviru ocjenjivanja rada Vijeća ministara BiH u 2008. godini razmatrala Izvještaj o radu Agencije za ravnopravnost spolova BiH i o tome donijela odgovarajuće zaključke.

Agencija za ravnopravnost spolova BiH prezentirala je Komisiji Projekat „Fond za provođenje Gender akcionog plana – FIGAP“.

Članovi Komisije učestvovali su u izradi, a nakon toga je Komisija, kao nadležna, razmatrala dokument Strategija prevencije i borbe protiv nasilja u porodici u BiH za period od 2009. do 2011. godine te je Predstavničkom domu dostavljeno mišljenje.

Obavljene su pripreme za parlamentarnu raspravu o Gender akcionom planu Vijeća ministara BiH i preporukama UN Komiteta za eliminaciju diskriminacije žena i set dokumenata s prijedlogom zaključaka dostavljen Predstavničkom domu.

Komisija je razmatrala Godišnji izvještaj Vijeća ministara BiH o statusu spolova u BiH za 2008. godinu pa je zaključila da predloži Predstavničkom domu da obavi raspravu o Izvještaju.

b) Zakonodavne aktivnosti

U 2009. godini Komisija je veliki dio svojih aktivnosti usmjerila na usaglašavanje zakona sa Zakonom o ravnopravnosti spolova BiH, s obzirom da je konstatirano da ovu obavezu propisanu članom 30. navedenog zakona uglavnom nisu izvršile nadležne institucije.

Tako je amandmanskim djelovanjem predsjedavajućeg Komisije usaglašen Zakon o državnoj službi u institucijama BiH.

Komisija je osnovala radnu grupu za pripremu Zakona o izmjenama i dopunama Izbornog zakona BiH, te je utvrdila Prijedlog ovog zakona i uputila ga u parlamentarnu proceduru.

Na osnovu zaključaka Komisije, donesenih povodom javne rasprave o medijima, sekretar Komisije je, u saradnji s Agencijom za ravnopravnost spolova BiH, pripremio nacrt izmjena i dopuna tri zakona iz oblasti medija, koji su preko Vijeća ministara BiH dostavljeni u parlamentarnu proceduru, i to:

- Zakon o izmjenama i dopunama Zakona o javnom RTV sistemu;
- Zakon o izmjenama i dopunama Zakona o javnom RTV servisu;
- Zakon o izmjenama i dopunama Zakona o medijima.

Članovi Komisije učestvovali su i u pripremi teksta Zakona o izmjenama i dopunama Zakona o ravnopravnosti spolova BiH i u realiziranju javnih rasprava o ovom zakonu, a kao nadležna razmatrala je i prijedlog ovog zakona.

c) Javne rasprave

Održana je tematska sjednica – javna rasprava pod nazivom „Obrazovanje i ravnopravnost spolova - analiza zastupljenosti problematike ravnopravnosti spolova u udžbenicima” uz učešće predstavnika entitetskih i kantonalnih gender komisija, državnih, entitetskih i kantonalnih ministarstava iz oblasti obrazovanja, državnih i entitetskih gender agencija i gender centara, Agencije za predškolsko, osnovno i srednje obrazovanje, ombudsmena za ljudska prava BiH, nevladinih organizacija koje se bave promoviranjem ljudskih prava i vrijednosti, a prvenstveno ravnopravnosti spolova, te međunarodnih organizacija u Bosni i Hercegovini.

III. MEĐUNARODNE AKTIVNOSTI

Od međunarodnih aktivnosti realizirana je posjeta Parlamentu Češke Republike. Tokom posjete razmijenjena su iskustva sa srodnim parlamentarnim tijelima o gender pitanjima,

koja će ovoj Komisiji koristiti u daljnjem radu, te održani i brojni susreti s drugim parlamentarnim tijelima.

Komisija je primila u uzvratnu posjetu i delegaciju Parlamenta Kraljevine Švedske.

IV. PRISUSTVO SJEDNICAMA

U tabelarnom prikazu sadržano je prisustvo sjednicama članova Komisije:

IME I PREZIME	SJEDNICA					
	3.2.2009.	17. 2.2009.	12. 5.2009.	10.6..2009. 23.6.2009.	12.10.2009.	2.11.2009.
VINKO ZORIĆ	+	+	+	+	-	-
JOVAN TODORVIĆ	-	-	-	-		
SEAD JAMAKOSMANOVIĆ	-	-	-	-	-	-
HALID GENJAC	+	-	+	+	+	-
JOZO KRIŽANOVIĆ	+	+	+	+	+	+
MIRJANA MALIĆ	-	+	+	+	+	+
REMZIJA KADRIĆ	+	+	+	+	+	+
RIFAT DOLIĆ	+	+	-	+	+	+
SAVO ERIĆ	-	+	+	-	+	+

Potrebno je istaknuti da su članovi Komisije uglavnom uredno najavljivali sekretaru Komisije razloge spriječenosti da prisustvuju sjednici, što je rezultiralo činjenicom da nijedna sjednica nije otkazana zbog nedostatka kvoruma.

PREDSJEDAVAJUĆI KOMISIJE

Vinko Zorić